



BREVIARIUM ROMANUM

EX DECRETO
SS. CONCILII TRIDENTINI RESTITUTUM
S. PII V PONTIFICIS MAXIMI JUSSU EDITUM
ALIORUMQUE PONTT. CURA RECOGNITUM
PII PAPÆ X AUCTORITATE REFORMATUM

*cum nova versione Psalterii
Pii Papæ XII auctoritate editi*

PARS HIEMALIS



SUMPTIBUS
JOANNIS H. GOTTMER
HARLEMI

amoris accen-
dat Deus in cordibus no-
stris. W. Amen.

9 Per evangelica dicta de-
leantur nostra delicta. W.
Amen.

OFFICIA PROPRIA
DICECESIS MONASTERIENSIS

PARS HIEMALIS

Die 27 Novembris
S. WILLEHADI

Episcopi et Confessoris

Duplex

In I Vesp. Ant. Sacér-
dos et Póntifex, et virtú-
tum ópifex, pastor bone in
pópulo, ora pro nobis Dó-
minum.

V. Amávit eum Dómi-
nus, et ornávit eum. R.
Stolam glóriæ induit eum.

Oratio

Omnípotens sem-
pitérne Deus, qui
hunc diem venerá-
bilem nobis in beáti Wil-
lehádi Confessóris atque
Pontíficis festivitáte tri-
buísti: fidélium tuórum
votis benignus inténde; ut,
ejúsdem intercessióne a
cunctis reátibus absolúti,
gáudia cónsequi mereá-
mur æténa. Per Dómi-
num nostrum.

Ad Laudes Ant. Euge,
serve bone et fidélis, quia
in pauca fuísti fidélis, su-

Propr. Diœc. Monast. P. Hiem.

pra multa te constítuam,
dicit Dóminus.

V. Justum dedúxit Dó-
minus per vias rectas. R.
Et osténdit illi regnum Dei.

In II Vesp. Ant. Amá-
vit eum Dóminus, et orná-
vit eum: stolam glóriæ ín-
duit eum, et ad portas pa-
radísi coronávit eum.

V. Justum dedúxit, ut
supra.

Die 19 Januarii

S. GODEFRIDI

Confessoris

Duplex (m. t. v.)

Omnia de Psalterio et Com-
muni Confessoris non Ponti-
ficis, præter sequentia:

In II Vesperis præceden-
tis post Commemorationem
S. Pauli Ap. fit Commemora-
tio sequentis:

Ant. Similábo eum viro
sapiénti, qui ædificávit do-
mum suam supra petram.

V. Amávit eum Dómi-
nus, et ornávit eum. R.
Stolam glóriæ induit eum.

Oratio

Deus, qui beátum Godefrídum Confessórem tuum in mundi contémptu miráblem effecísti: præsta, quæsumus; ut, intercessiónis ejus auxílio, fídeles tui terréna despícient, et ad cæléstia semper aspírent. (Per Dóminum.)

Deinde Commemoratio Ss. Marii, Marthæ, Audifacis et Abachum Martyrum:

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Lætámini in Dómino et exsultáte, justi. **R.** Et gloriámini, omnes recti corde.

Oratio

Exáudi, Dómine, pópulum tuum cum Sanctórum tuórum patrocínio supplicántem: ut et temporális vitæ nos tribuas pace gaudére; et æternæ reperire subsidium. (Per Dóminum nostrum.)

Postea Commemoratio S. Canuti Regis, Mart.:

Ant. Iste Sanctus pro lege Dei sui certávit usque ad mortem, et a verbis impiórum non tímuit; fundá-

tus enim erat supra firmam petram.

V. Glória et honóre coronásti eum, Dómine. **R.** Et constituísti eum super ópera mánuum tuárum.

Oratio

Deus, qui ad illustrándam Ecclésiám tuam beátum Canútum regem martýrii palma et gloriósis miráculis decoráre dignátus es: concéde propíius; ut, sicut ipse Domínice passiónis imitátor fuit, ita nos, per ejus vestígia gradiétes, ad gáudia sempitérna pervenire mereámur. Per eúndem Dóminum nostrum.

AD MATUTINUM

In II Nocturno

Lectio iv

Godefrídus nobílibus et opuléntis paréntibus natus in Castro Westfálie Cappenbérga nuncupáto, spretis honóribus mundique divítiis, a púero virtútum nobilitátem únice adamávit, et ássequi ardentíssimo stúdio concupívit étiam postquam matrimónium inívit; et ne a suscépto Evangélicæ perfectiónis itínere umquam deflécteret, sanctum Nor-

bértum adívit, ejúsque consília humíllime expetívit. Inde cónjugi propósitum suum Deo únice inserviéndi, ingénue apéruit, eíque suáviter, sed effícaciter persuásit, ut exéplum suum imitarétur, et sacro velámini caput submíttens, soli Deo constánter placére conténderet. Interim Ottóni germáno fratri suo non absímiles ad perfectiónem Evangélicam cohortatiónes diréxit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. **Et.**

Lectio v

Férvido Godefrídi propósito, Deo adhæréndi, in eóque spem suam ponéndi, cui plaudébant hómnes probi, ádeo céteri invidére cœpérunt, ut ludíbriis, irrisionibus, injúriis, minis et ómnium persecutiónum genere illum ab eo removére numquam destítierint. Verum homo Dei bona pro malis

constantíssime reddens, tandem húmílem, sed máxime exoptátum Præmonstraténsium hábitum impetrávit, inque religiósa palæstra de virtúte in virtútem álacri semper gressu conténdere festinávit. Hinc humilitáte, obediéntia, legum étiam minimárum observántia, sobrietáte, castimónia, ac imprímis férvida in Deum et próximum caritáte prælucebát.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum. **V.** Induit eum Dóminus lorícam fidei, et ornávit eum. **Et.**

Lectio vi

Vix autem e mundo pénitus evolátus Godefrídus, et solitúdinem Monastérii Ilmstadiénsis ingressus, purgári méruit a Deo tamquam aurum in fornáce. Antíqua enim crudescénte ægritúde, ádeo víribus debilitári cœpit, ut jam ad mortem decumberet. Suprémæ vitæ desidério exardéscens, et decedéntium Sacraméntis præmatúre múnitus suavíssima verba fidúciæ ple-

na ingeminábat ac cúpiens dissólvi et esse cum Christo, spíritum placidissime réddidit creatóri suo Ilmstádii Idibus Januárii anni millésimi centésimi vigésimi sexti, vel séptimi, ætátis suæ circiter trigésimi. Córporis ejus, quod plúrimis statim miráculis inclaruisse perhibétur, superior pars ad hæc usque témpora Ilmstádii quiescit, pars vero inférior anno millésimo centésimo vigésimo octávo Cappenbér-gam transláta est.

R. Iste homo perfécit ómnia quæ locútus est ei Deus, et dixit ad eum: Ingrédere in réquiem meam: * Quia te vidi justum coram me ex ómnibus géntibus. **V.** Iste est, qui contémpsit vitam mundi, et pervénit ad cæléstia regna. Quia. Glória Patri. Quia.

In III Nocturno Homilia in Evangelium Ecce, nos reliquimus, de Communi Abbatum 1 loco.

Pro Ss. Mario, Martha, Audiface et Abachum Martyribus:

Lectio ix

Márius Persa, nóbili loco natus, cum Martha conjuge pari nobilitate, et duóbus filiis Audiface et

Abachum, Romam venit Cláudio imperátore, ut Mártyrum sepúlcrá venerarétur. Ibi Christiános in víncula conjéctos fovébant, et ópera ac facultatibus suis sustentábant, et Sanctórum córpora sepeleiebant. Quam ob rem comprehénsi omnes, cum nec impiórum minis nec terróre commoveréntur, ut diis sacrificarent; primum fústibus debilitáti, deinde fúnibus attrácti, tum admóti candéntibus lámis combústi, et úngulis férreis excarnificáti sunt. Postrémo præcisis mánibus et ad collum alligátis, ducti per médiám urbem, via Cornélia ad tértium décimum ab Urbe milliárium in eum locum, qui Nymphæ dicebátur, necántur: ac primum Martha, quæ virum ac filios ad supplicia pro Jesu Christi fide constánter perfe-rénda veheménter fúerat cohortáta; mox céteris in eádem arenária cervices abscindúntur, eorúmque córpora conjiciúntur in ignem. Quæ semiústa, Felicitas, matróna Romána nóbilis, colligénda et in suo prædio sepeliénda curávit. Te Deum laudámus.

AD LAUDES

V. Justum dedúxit Dóminus per vias rectas. **R.** Et osténdit illi regnum Dei.

Ad Bened. Ant. Euge, serve bone * et fidélis, quia in pauca fuísti fidélis, supra multa te constituam, intra in gáudium Dómini tui.

Oratio

Deus, qui beátum Godefridum Confessórem tuum in mundi contémpu miráblem effecísti: præsta, quæsumus; ut, intercessiónis ejus auxílio, fidèles tui terréna despiciant, et ad cæléstia semper aspirant. Per Dóminum nostrum.

Et fit Commemoratio Ss. Martyrum:

Ant. Vestri capílli capitis omnes numeráti sunt: nolíte timére: multis passéribus melióres estis vos.

V. Exsultábunt Sancti in glória. **R.** Lætabúntur in cubilibus suis.

Oratio

Exáudi, Dómine, pópulum tuum cum Sanctórum tuórum patrocínio supplicántem: ut et tem-

porális vitæ nos tríbuas pace gaudére; et ætérnæ reperire subsidium. (Per Dóminum nostrum.)

Deinde Commemoratio S. Canuti Regis, Mart.:

Ant. Qui odit animam suam in hoc mundo, in vitam ætérnam custódit eam.

V. Justus ut palma florébit. **R.** Sicut cedrus Líbani multiplicábitur.

Oratio

Deus, qui ad illustrándam Ecclésiám tuam beátum Canútum regem martýrii palma et gloriósis miráculis decoráre dignátus es: concéde propítius; ut, sicut ipse Domínice passiónis imitátor fuit, ita nos, per ejus vestigia gradiétes, ad gáudia sempitérna pervenire mereámur. Per eúndem Dóminum nostrum.

Vesperæ a Capitulo de sequenti, Commemoratio præcedentis:

Ant. Hic vir despiciens mundum et terréna, triúmphans, divítias cælo cón-didit ore, manu.

V. Justum et Oratio Deus, qui beátum, ut supra.

Die 30 Januarii
Pro Commemoratione
S. ALDEGUNDIS

Virginis

In I Vesp. Ant. Símile est regnum cælórum hómini negotiatóri quærénti bonas margarítas: invénta una pretiósa, dedit ómnia sua, et comparávit eam.

V. Diffúsa est grátia in lábiis tuis. **R.** Proptérea benedíxit te Deus in ætérnum.

Oratio

Exáudi nos, Deus, salutaris noster: ut, sicut de beátæ Aldegúndis Virginituæ festivitáte gaudémus; ita piæ devotiónis erudiámur afféctu. Per Dóminum nostrum.

Lectio ix

(Ex Hugbodio apud Bolland.)

Aldegúndis orta in Hanónia ex regáli Francórum prosápia, in páuperes misericórdia, divinárum rerum lectióne, abstinentia in cibo et potu emíruit. A puelláribus annis sponso cælésti se totam devóvit. Cum mater nóbile conjúgium et blándiens suaderet et munitans urgeret, corpus suum vehementer affígens, die noc-

túque Dóminum cum lácrimis deprecáta est, ne álteri sponso quam Christo Dómino sociarétur. Matre mórtua, cum destinátus vírgini júvenis dénuo instáret, noctu aufúgit, et in silva, Malbódium dicta, áliquot diébus látuit, donec sanctos Episcopos Amándum et Authértum in Alti Montis cœnóbium advenísse scivit. Quos ipsa statim nudis pédibus adívit, et húmili prece sacrum velámen ab iis impetrávit. Tum in Malbodiénsi solitúdine monastérium extrúxit et dotávit: ubi deinceps in sancta conversatióne pérmanens, álias ad se confluentes vírgines sancte instítuit, frequénti Angelórum consórtio et allóquiis confirmáta. A beáto Gisléno mortis imminéntis admónita, Deum deprecáta est, ut in præsénti sic flagelládo eam purgáret, quátenus post sine mácula ad eum transíre mererétur: subortúmque exínde sibi cancri morbum gaudens pertulit, cum illo depásta ad Christum migráret, tértio Kaléndas Februárii anni sexcentésimi octogésimi quar-

ti. Post mortem miraculis clara, Malbódii quiéscit. Te Deum laudámus.

In Laudibus pro Commemoratione ejusdem:

Ant. Veni, Sponsa Christi, áccipe coronam, quam tibi Dóminus præparávit in ætérnum.

V. Spécie tua, et pul-

chritúdine tua. **R.** Inténde, próspere procéde, et regna.

Oratio

Exáudi nos, Deus, salutaris noster: ut, sicut de beátæ Aldegúndis Virginituæ festivitáte gaudémus; ita piæ devotiónis erudiámur afféctu. Per Dóminum nostrum.

INDEX ALPHABETICUS

	pag.
Aldegundis Virg., Commemoratio. 30 Jan.	6*
Godefridi Conf., duplex. 19 Jan.	1*
Willehadi Ep. et Conf., duplex. 27 Nov.	1*

APPROBATIO

Concordat cum originalibus approbatis.

Monasterii, die 31 Martii 1950

† MICHAEL

Episcopus Monasteriensis

IMPRIMATUR.

Ratisbonæ, die 20 Aprilis 1950

Joseph Franz

Vic. Gen.